



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 38. Decreta Visitationis Apostolicæ pro Diæcesi Fuldensi.

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

decima tertia Maij funebri pompa pa-
rentatum, corpusque ad ædem West-
monasteriensem delatum est. Porro
hæc Regina tantam in Catholicos pro-
pensionem præseferbat, quo major a
Lutherani Principis Filia, & Calvinia-
ni Mariti Coniuge haud sperari potuis-
set. Hoc Religionis studio incitata
totis viribus impedire nitebatur, ne
Elisabetha ejus filia Friderico V. Pala-
tino secta Calviniano nuberet. Eodem
quoque anno mortalitatem exiit Fran-
ciscus II. Saxo - Lavenburgicus Prin-
ceps, qui in expeditione bellica con-
tra Turcas præclara fortitudinis suæ
specimina edidit, cetera Lutheranorum
sectæ addictissimus.

Sæc. XVII.
A. C. 1619.

§. XXXVIII.

*Decreta Visitationis Apostolicæ pro
Diœcesi Fuldensi.*

Jam anno Domini millesimo sexcente-
simo decimo septimo Joannes Fri-
dericus a Swalbach optimus ac Reli-
giosissimus Ecclesiæ Fuldensis Præsul &
Abbas totius Cleri sui amplissimam co-
egerat Synodum, cum autem exinde
ob præcedentium temporum calamita-
tes optatum non reportasset fructum,
hinc in immoto pravos mores eradi-
candi studio persistens, Paulum V. Pon-
tificem

Schanat
Hist. Fuld.
part. 3.
pag. 278.
Concil. Germ.
t. 4. p. 304.

Sæc. XVII. tificem Maximum supplex adiit, ut per
 A. C. 1619. Apostolici Visitatoris auctoritatem effi-
 caciùs malis remedium opponere dignaretur: Hoc igitur munus Pontifex Antonio Albergato, suo per inferiorem Germaniam a Latere Nuntio demandabat, qui perlustrata Diœcesi multa quidem jamjam restaurata atque emendata reppererat; cum autem adhuc quædam, quæ emendatione indigerent, annotasset, hinc nonnulla decreta ex Coloniensi urbe ad Abbatem, quem *Reverendissimam Celsitudinem suam* appellabat, die vigesima quinta pro Clero & populo transmisit, pollicitus, se pro Religiosis paulatim alia statuta missurum. Ex his vero decretis nonnisi præcipua delibabimus: Præcepit igitur I. Ut mortuo Parocho competitorum concursus, & examen fieret, ex illis autem, si unus doctrina, alter moribus præstet, huic Parochia conferatur. II. Electus Parochus omnia antea actæ vitæ peccata Sacerdoti deponat & per decem dies rerum divinarum meditationibus vacet. III. Moneat suos fideles, ut de hæresi suspectos denuntient, ipse autem investiget, an aliqui libros prohibitos retineant. IV. Singulis Dominicis & festis diebus concionem & Catechesin habeat. V. Abstineat a curiosis & difficilioribus quæstionibus, & pro-

proponendis hæreticorum opinionibus Sæc. XVII.
 apud imperitum vulgus, atque in repre- A. C. 1619.
 hendendis vitiis non hominum, sed pec-
 catorum odium præferat. VI. Man-
 datur Mercatoribus, ne merces suas
 diebus Dominicis ante fores, vel in
 fenestris suarum domorum vel alibi ve-
 nales exponant, nec Oenopolæ tem-
 pore Missæ & Concionis tabernas a-
 periant. VII. Præcipitur per totam
 quadragesimam abstinencia a carnibus
 & ovis. VIII, Nunquam SS. Sacra-
 mentum populo exponatur, nisi accen-
 sis ad minus sex candellis; cum multo
 melius sit, ut non ita frequenter, &
 tunc jam debita reverentia, quam ut
 frequentius sine illa exponatur. IX.
 Populum monere jubetur Parochus, ut
 ad supplicationes conveniat, & comi-
 tetur Eucharistiæ Sacramentum, quod
 prima Dominica cujuslibet mensis per
 Parochiam in supplicatione deferatur,
 non autem ad infirmos deferatur, nisi
 comitantibus saltem sex Viris. X. Lau-
 dabilem & antiquissimam consuetudi-
 nem introducere curet Parochus, ut
 universus populus canat Litanias, in-
 cipientibus pueris. X. Caveat, ne
 anniversaria mortuorum suadeat, aut
 avaritiæ notam incurrat. XI. Tertio
 quovis Mense omnes Parochi conve-
 niant, & discussis prius conscientiæ
 casi-

Sæc. XVII. casibus de suarum Ecclesiarum regimi-
A. C. 1619. ne & difficultatibus emergentibus con-
 ferant. Præterea sub Pauli V. Ponti-
 ficatu Synodum quoque suam celebra-
 runt Rutheni ritus Græci, Præsede Hi-
 patio Pocieo Metropolita Kioviensi, qui
 a Schismate ad Ecclesiæ Catholicæ si-
 num reversus est.

§. XXXIX.

*Variae S. Congregationum de-
cisiones.*

*Constit. &
 decis. S. Con-
 greg. Rit.
 & Episc.
 &c.*

Propositis quandoque dubiis, aut va-
 riis abusibus subinde irrepentibus
 summi Pontificis mandato Sacræ Con-
 gregationes varias promulgarunt Con-
 stitutiones & decreta, & quidem die
 vigesima quinta Januarii sacra Rituum
 Congregatio decidit, quod Canonici,
 qui ab Episcopo ad audiendas confes-
 siones in Ecclesia Collegiata non cu-
 rata Deputati fuerint, si ea de causa
 absint a Choro non lucrentur distri-
 butiones, insuper die duodecima Mar-
 tii Sacra Episcoporum & Regularium
 Congregatio declaravit, quod facultas
 excipiendarum Confessionum Regulari-
 bus ad beneplacitum per Ordinarios
 concessa, quodocunque possit revoca-
 ri, excommunicatus autem, etsi offen-
 sæ parti prius satisfacere nequeat, nec
 pax